



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Sev Manuale Episcoporum Pro Decretis in
Visitatione, & Synodo, de quacumque re condendis.**

Gavanti, Bartolommeo

Venetiis, 1650

Bulla Pij V. de confidentijs Beneficialibus.

urn:nbn:de:hbz:466:1-9534

Rursus Conseruatores, qui in praesentia Indices Synodales non sunt, immutari debere, atq; alios eligi iuxta formam superius praescriptam. Horum tamen Acta omnia ab ipsis hucusque gesta, si modo ex hoc capite viribus careant, Sacra Congregatio ad cautelam confirmauit, iussitque petinde valere, ac si à Conseruatoribus legitime deputatis processissent. Cæterum quoad alia capita censuit septimam Synodum Prouincialem Mediolanensem fore per omnia exequendam iuxta litteras in forma Breuis Sanctissimi D.N.D. signat.

Horatius Cardinalis Lancelotus.

Locus Sigilli.

Pij II. Bulla de Clericis male promotis.

Cum ex sacrorum ordinum collatione, & infra. Cum itaque sicut fide dignorum relatione, non nisi moleste accipimus quod nonnulli Clerici extra tempora à iure statuta: quidam ante gratiam legitimam: aliqui verò sine dimissorijs litteris, contra sanctiones canonicas, se faciant ad sacros Ordines promoueri: Nos eorundem temeritatem tali castigatione reprimentes, vt alijs in posterum committendi similia aditus pracludatur, auctoritate Apostolica, praesenti constitutione perpetuò valitura, statuimus, & ordinamus, vt omnes & singuli qui absque dispensatione Canonica, aut legitima licentia, siue extra tempora à iure statuta, siue ante legitimam aetatem, vel absque litteris dimissorijs, etiam citramontanà à citra montanis: praeterquam si in hoc vltimo casu per Cameram Apostolicam iuxta ipsius stylum ordinati fuerint. ad aliquem ex sacris ordinibus se fecerint promoueri, à suorum executione ordinum ipso iure sint suspensi: Et si huiusmodi suspensione durante in eisdem ordinibus ministrare praesumpserint, eo ipso irregularitatem incurrant, propter quam, vltra alias pœnas in tales generaliter à iure inflittas, beneficijs Ecclesiasticis, quæ obtinent, possint iure priuari.

Pij V. Bulla de confidentijs Beneficialibus.

Intolerabilis multorum peruersitas, & infra. Quare nos volentes periculofam talium audaciam noui iuris subsidio cohibere. praesentium auctoritate statuimus, vt si quis quacumque auctoritate Ecclesiam, vel Monasterium, aut aliud

beneficium Ecclesiasticum qualecumque ex resignatione, vel cessione cuiuscumque personæ, simpliciter, aut cum circuitu retrocessionis, cum regressu, vel accessu, etiam sola dimittentis intentione receperit, vt illa, vel illud, etiam in euentum regressus, vel accessus, eidem dimittenti, vel alteri postea conferantur, aut illius fructus, vel eorum pars alij, vel alijs concedantur, vel pensiones soluantur ex eisdem, hæc confidentia censeatur.

Item si ordinarius, vel alius Collator contulerit ante hæc, aut conferat in futurum beneficium Ecclesiasticum quouis modo vocans, ea conditione tacita, vel expressa, vt postea in alterum pro arbitrio collatoris, seu alterius cuiuscumque contra iuris communis ordinationem disponatur, siue vt de eo prouisurus, fructus illius, vel partem, ad utilitatem, vel libitum conferentis, vel cedentis, aut alterius relinquat, & remittat, seu pensionem illi, vel illis, quem vel quos idem collator, vel cedens, vel alius per se, vel alios scripto, aut verbo iusserit, seu significauerit, persoluat: & pariter si à patrono etiam Laico, vel alteri praesentatori, seu electori contigerit, aut contingat id fieri.

Ad hæc si Clericus praedictæ Cam. aut Cardinalis, aut alijs à solutione iurium ipsius Cam. vel etiam Cancellar. Apostolicæ exemptus post resignationem, vel cessionem alienius extranei de Ecclesia, Monasterio, vel alio beneficio Ecclesiastico in se Apostolica, vel alia auctoritate factam, & admissam, illam, vel illud etiam confectis litteris Apostolicis, & possessione apprehensa in eundem resignantem, vel cedentem, modico spatio interiecto, veluti duorum, aut trium mensium, retrocesserit, aut retrocedat in futurum, & ex illa retrocessione fructus Ecclesiæ, seu Monasterij, aut Beneficij, vel eorum pars, seu pensio, seu quid aliud super illis reseruatum, aut regressus, seu accessus, & ingressus ad illam, vel illud ipsi Clerico, vel Cardinali, aut alij exemplo sit, fueritue concessus.

Postremò, si quis crimine aliquo absolutus, aut cum quo super irregularitate dispensatum est, denuò receperit, quacumque auctoritate, Ecclesiam, Monasterium, vel aliud beneficium Ecclesiasticum, quod ante, vel post commissum delictum, aut contractam irregularitatem dimiserit, in quouis horum casuum confidentiæ prauitas sit contracta, casusque huiusmodi litteris praedictis comprehendantur, ac si illi speciatim expressi fuissent, licet ipsum confidentiæ crimen alterius partis conscientia sit admissum.

Ad probandum vero plenè confidentiarum abusum, inter alias, etiam hæc praesumptiones, &

con-

coniectura habeantur legitima. videlicet.

Si quis post cessam ab se Ecclesiam, vel Monasterium, aut Beneficium, & publicatam resignationem, seu cessionem, captamque à successore possessionem, sese in illa, vel illo, seu rebus illius, per se, vel alium, seu alios, de facto ingesserit, aut fructus perceperit, aut quicumque successor illi, vel eius propinquis ipsos, aut partem aliquam remiserit eorundem.

Si recipiens beneficium constituerit dimittentem, vel eius parentes, aut propinquos, Procuratores ad percipiendum, vel locandum fructus beneficij dimissi, & illi, vel illis de fructibus perceptis, aut percipiendis donationem fecerit.

Si, vel sola procuratoris depositione, vel libris rationibus mensuratorum ex parte dimittentis expeditio, quæ personam recipientis concernit, prosequuta sit, simulque expensæ pro ea necessaria ab illo factæ fuerint.

Denique si quis pro concessione alieni facta, quacunque auctoritate, de beneficio Ecclesiastico, per se, vel alium, seu alios, intercesserit, vel aliàs in negotio concessionis sese immiscuerit quoquo modo, deinde aliquid de fructibus talis beneficij, de facto, etiam per manus possessoris, ac etiam simplicis donationis titulo perceperit, seu de illo postmodum ad voluntatem intercessoris fuerit dispositum quando-cumque.

Testes autem &c. Decernit ut duo testes valeant singulas præsumptiones, & coniecturas probare, & quod plures huiusmodi præsumptiones, & coniecturæ faciant in prædictis plenam probationem.

Admittuntur etiam in simoniis, & ceteri omnes, qui in casibus simoniæ recipi possunt ad perhibendum testimonium.

Sed ne quis &c. Decernit tandem huiusmodi beneficia confidentiam consecuta, reseruatam existere dispositioni Apostolicæ, confidentiariorum autem obtentis beneficijs, pensionibus, administrationibus, officijs, & dignitatibus priuatos esse, ac inhabiles ad quacumque in futurum reddi, prout priuat, ac inhabiles ad futura decernit, ac in iuris subsidium excommunicationis sententia innodat, à qua nullus, nisi in mortis articulo constitutus, ab alio, quàm à Romano Pontifice absolutionis beneficium valeat obtinere.

Pij V. Bulla de Horis canonicis.

EX proximo Lateranen. Concilio pia & salubris sanctio emanauit, ut quicumque habens beneficium Ecclesiasticum cum cura, & sine cura, si post sex menses, quàm illud ob-

tinuerit, diuinum officium, legitimo cessante impedimento, non dixerit, beneficiorum suorum fructus pro rata omissionis officij & temporis, suos non faciat: se de eos, tamquam iniuste perceptos, in fabricas ipsorum beneficiorum, vel pauperum eleemosynas erogare teneatur. Verumtamen multorum animi suspensione tenentur, cuiusmodi ratæ prædictæ ratio sit habenda: Nos huic rei euidentius, atque expressius providere volentes, statimus ut qui horas omnes Canonicas uno vel pluribus diebus intermiserit, omnes beneficij seu beneficiorum suorum fructus qui illi, vel illis diebus responderent, si quotidie diuiderentur: qui vero matutinum tantum dimidiam: qui cæteras omnes horas, aliam dimidiam: qui harum singulas, sextam partem fructuum eiusdem diei amittat: tametsi aliquis Choro addictus, non recitans, omnibus horis Canonicis cum alijs præsens adsit, fructusque, & distributiones fortè aliter assignatas, sola præsentia iuxta statuta consuetudinem; fundationem, vel alias sibi lucrificasse prætentat. Is etiam præter fructuum, & distributionum amissionem: item illi qui primis sex mensibus officium non dixerit nisi legitimum impedimentum ipsum excusauerit, graue peccatum intelligat commississe. Declarantes præstimoniam, præstimoniales portiones, & qualiacumque alia beneficia etiam nullum omnino seruitium habentia, obtinentes, cum prædictis pariter contineri. At quicumque pensionem, fructus, aut alias res Ecclesiasticas ut Clericus perceperit, eo modo prædicto ad dicendum officium paruum Beatæ Mariæ Virginis decernimus obligatum, & pensionem, fructuum, rerumque ipsarum amissioni obnoxium. Nulli ergo omnino hominum liceat hanc paginam nostrorum, statuti declarationis, & decreti infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum eius, se noverit incursum. Dat. Romæ. Apud Sanctum Petrum, Anno Incarnationis Dominicæ, Milleesimo, Quingentesimo, septuagesimo primo, Duodecimo Kal. Octobris Pontificatus Nostri. Anno sexto.

Cæs. Glotierius.

Decretum de vit. & honest. Cleric. Collectum ex Concil. Prou. 1. & 4. hoc tit. & de diuin. Offic. ac ext. 5. de Chori disciplina.

QVales eos esse oporteat, qui diuino cultui sacrisque Ministerijs consecrati sunt ecclesijs